



সম্পাদক
শাহাদত চৌধুরী
নির্বাহী সম্পাদক
মোহসিনুল আদনান
প্রধান প্রতিবেদক
গোলাম মোর্তোজা
প্রতিবেদক
জয়ন্ত আচার্য
সাইফুল হাসান, বদরুদ্দোজা বাবু
সহযোগী প্রতিবেদক
বদরুল আলম নাবিল
আসাদুর রহমান, রুহুল তাপস
প্রদায়ক
জসিম মল্লিক
প্রধান আলোকচিত্রী
তুহিন হোসেন
আলোকচিত্রী
আনোয়ার মজুমদার
নিয়মিত লেখক
আসজাদুল কিবরিয়া, জটন চৌধুরী
ফাহিম হুসাইন, হাসান মূর্তোজা
নোমান মোহাম্মদ, জব্বার হোসেন
চট্টগ্রাম প্রতিনিধি
সুমি খান
যশোর প্রতিনিধি
মামুন রহমান
সিলেট প্রতিনিধি
নিজামুল হক বিপুল
বিশেষ বিদেশ প্রতিনিধি
মিজানুর রহমান খান
হলিউড প্রতিনিধি
মুনাওয়ার হুসাইন পিয়াল
জার্মানি প্রতিনিধি
সরাফউদ্দিন আহমেদ
নিউইয়র্ক প্রতিনিধি
আকবর হায়দার কিরণ
ওয়াশিংটন প্রতিনিধি
নাসিম আহমেদ
যুক্তরাজ্য প্রতিনিধি
শাহরিয়ার ইকবাল রাজ
কম্পিউটার গ্রাফিক্স প্রধান
নুরুল কবীর
শিল্প নির্দেশক
কনক আদিত্য
কর্মাধ্যক্ষ
শামসুল আলম

যোগাযোগ
৯৬/৯৭ নিউ ইস্কাটন, ঢাকা-১০০০
পিএবিএক্স : ৯৩৫০৯৫১ - ৩
সার্কুলেশন/বিজ্ঞাপন : ৯৩৪৯৪৫৯
ফ্যাক্স : ৯৩৫০৯৫৪
চট্টগ্রাম অফিস : ১৪/ক, এসি দত্ত
লেন, পাথরঘাটা, চট্টগ্রাম ৪০০০
ইমেল : s2000@dbn-bd.net

দাম : ৫০ টাকা

মিডিয়াওয়ার্ল্ড লিমিটেড
৫২ মতিঝিল বা/এ, ঢাকা-১০০০-এর
পক্ষে মাহফুজ আনাম কর্তৃক প্রকাশিত
ও ট্রান্সক্রাফট লিঃ, ২২৯ তেজগাঁও
শিল্প এলাকা, ঢাকা-১২০৮ থেকে মুদ্রিত।

www.shaptahik2000.com

ঋতু চক্রের পালাবদলের খেলায় আবারও সমাগত পয়লা বৈশাখ। ঐতিহ্যবাহী বাংলা নববর্ষের প্রথম দিন। চির নতুনের কেতন উড়িয়ে পুরাতনের সকল পঙ্কিলতাকে ধুয়ে-মুছে নতুন বার্তা নিয়ে বৈশাখের আগমন। যুদ্ধবিধ্বস্ত প্রতিকূল এক পরিবেশের মধ্যেও তাই চারদিকে পয়লা বৈশাখকে আবাহন জানাতে চলছে প্রস্তুতি। বাঙালি বৈশাখের রুদ্র রূপের মাঝেই খুঁজে পেতে চায় শান্তির বার্তা।

পয়লা বৈশাখ বাঙালির চিরায়ত সংস্কৃতির অবিচ্ছেদ্য অংশ। এদিন বাঙালি ধর্ম-বর্ণের পরিচয় ভুলে অবগাহন করে নববর্ষের মহানন্দে। উপলব্ধি করে অভিন্ন এক নৃতাত্ত্বিক জাতিসত্তার। এ কারণে বাঙালি ও পয়লা বৈশাখ যেন অভিন্ন সত্তা। প্রাচীনকালে এ অঞ্চলে শকারি শালিবাহন নামক রাজার নামানুসারে শকাব্দ সাল গণনা করা হতো। আনুমানিক ৭৮ খ্রিস্টাব্দ থেকে শকাব্দ সাল গণনা শুরু হয়। এ সনের বর্ষ শুরু হতো অগ্রহায়ণ থেকে। মোগল আমলে রাজকার্য পরিচালিত হতো চন্দ্রবর্ষীয় সন হিজরি অনুসারে। মোগল সম্রাট আকবর রাজকার্যের সুবিধার জন্য হিজরি সালের সঙ্গে সামঞ্জস্য করে বাংলা সাল গণনা শুরু করেন। তবে তিনি হিজরির চন্দ্র বর্ষের পরিবর্তে সৌরবর্ষ চালু করেন। মাসগুলোর নাম বাংলা মাসের নামানুসারে রাখা হয়। মূলত সম্রাট আকবরের রাজসভার বরণ্য পন্ডিতেরা হিজরি, পারস্য ও শকাব্দ সালের সঙ্গে সমঝোতা করেই বাংলা সন প্রবর্তন করেন। সম্রাট আকবরের সিংহাসন আরোহণের মাস বৈশাখ থেকে শুরু হয় বর্ষবরণ। তখন থেকে বৈশাখকে জাতি ধর্ম বর্ণ নির্বিশেষে নানা উৎসবের মধ্য দিয়ে আবাহন করার রীতি চালু হয়। পয়লা বৈশাখ হয়ে ওঠে বাঙালির সর্বজনীন উৎসব। তবে পয়লা বৈশাখের সর্বজনীনতাকে মলিন করতে অতীতের মতো আজ চলছে নানা তৎপরতা। সকল প্রতিকূলতাকে রুখে দিয়েই উৎসবের আমেজে বাঙালি সব সময় পয়লা বৈশাখ উদ্‌যাপন করেছে।

বাঙালি জাতিসত্তার গৌরবদীপ্ত অগ্রযাত্রাকে তুলে ধরতে সাপ্তাহিক ২০০০ সবসময় সক্রিয় থেকেছে। এ কারণে গত বছর পয়লা বৈশাখে সাপ্তাহিক ২০০০ প্রথম বিশেষ সংখ্যা বের করেছে। এ বছর নববর্ষের বিশেষ সংখ্যাটি এ ধারাবাহিকতারই ফসল। আমাদের পদাঙ্ক অনুসরণ করে অনেকে এগিয়ে আসায় আমরা আরো উদ্বীপ্ত। দেশের প্রথিতযশা সাহিত্যিক ও উদীয়মান লেখকদের লেখায় সমৃদ্ধ এ সংখ্যাটি। এবারও আমরা অপেক্ষাকৃত নতুনদের লেখা প্রকাশে অধিক গুরুত্ব দিয়েছি।

এ বছর পয়লা বৈশাখ এমন এক সময়ে এসেছে, যখন সারা বিশ্ব ইঙ্গ-মার্কিন জোটের ইরাকের ওপর চাপিয়ে দেয়া অমানবিক যুদ্ধের বিরুদ্ধে সোচ্চার। সারা বিশ্বের মানুষের সঙ্গে আমরা বাঙালিরাও আজ প্রতিবাদমুখর। এবারের পয়লা বৈশাখ সকল অন্যায়ের বিরুদ্ধে আরো প্রতিবাদী হওয়ার অনুপ্রেরণা যোগাক।

বৈশাখের রুদ্র রূপ ধুয়ে-মুছে নিয়ে যাক সকল গ্লানি ও অকল্যাণকে। বিশ্ব ও জাতীয় জীবনে বয়ে আনুক শান্তির বার্তা। সুস্বাগত পয়লা বৈশাখ। স্বাগত ১৪১০ বঙ্গাব্দ।

সাপ্তাহিক ২০০০-এর সকল পাঠক, গ্রাহক, বিজ্ঞাপনদাতা ও শুভানুধ্যায়ীদের নববর্ষের শুভেচ্ছা।

নতুন ইমেল : s2000@dbn-bd.net